

## KENYATAAN MEDIA

### MAHASISWA UniMAP RAIH ANUGERAH PEMIMPIN PROGRAM SAINS, TEKNOLOGI & INOVASI DI ATS 2018

Nilai, 30 Mac - Mahasiswa Universiti Malaysia Perlis (UniMAP) dianugerahkan Anugerah Pemimpin Program Sains, Teknologi & Inovasi sempena Anugerah Tokoh Siswa Kebangsaan 2018 yang berlangsung di Universiti Islam Sains Malaysia (USIM), di sini.

Mahasiswa Pusat Pengajian Inovasi Perniagaan dan Teknousahawan (PPIPT) itu, Muhammad Nurfiqri Mohd Hajar berjaya membawa pulang hadiah wang tunai RM1,000 beserta trofi dan sijil.

Anugerah berkenaan disampaikan oleh Dato' Kamel Mohamad, Timbalan Ketua Setiausaha Perancangan Strategik, Kementerian Pendidikan Malaysia (KPM).

Selain Muhammad Nurfiqri, dua mahasiswa UniMAP iaitu Aqila Natasya Allawi dan Shahrun Nizam Shahrun Nahar pula berjaya meraih Anugerah Khas Ketua Pengarah bagi pencapaian cemerlang sepanjang 2018.

Naib Canselor UniMAP, Dato' Prof Dr Zul Azhar Zahid Jamal dan Timbalan Naib Canselor Hal Ehwal Pelajar dan Alumni (HEPA) UniMAP, Prof Dr Mohd Foad Sakdan turut hadir memberi sokongan kepada mahasiswa-mahasiswa UniMAP.

Terdahulu, Menteri Pendidikan Malaysia Dr Maszlee Malik ketika berucap merasmikan ATS 2018 berkata pemilihan pemenang adalah mengambil kira penglibatan mahasiswa dalam program, pencapaian akademik dan sahsiah diri/kumpulan calon.

Katanya, selain anugerah utama, KPM turut mengiktiraf mahasiswa yang berkecimpung dalam bidang masing-masing menerusi 15 kategori lain.

“Ia selaras dengan aspirasi KPM untuk melahirkan insan yang holistik di tengah-tengah setiap komuniti dan masyarakat, pengurnianan anugerah seumpama ini mampu menjadi wadah kepada mahasiswa untuk menonjolkan sifat kepimpinan serta bergiat lebih aktif dalam aktiviti kokurikulum,” kata beliau yang turut menyampaikan Anugerah Tokoh Siswa 2018 dan Anugerah Menteri Pendidikan.

Anugerah bagi kategori-kategori lain turut disampaikan oleh Puan Teo Nie Ching, Timbalan Menteri Pendidikan.

Turut hadir pada majlis itu ialah Datin Paduka Ir. Dr Siti Hamisah Tapsir, Ketua Pengarah Pendidikan Tinggi, KPM; Ketua Pengarah Jabatan Pendidikan Politeknik dan Kolej Komuniti, KPM, Profesor Dato' Ts Dr. Mohd Ismail Abd Aziz serta kepimpinan institusi pendidikan tinggi awam dan swasta.

Senarai penuh penerima anugerah bagi tahun 2018:

1. ANUGERAH PEMIMPIN MAJLIS PERWAKILAN PELAJAR - AFIFAH BINTI ABDUL SHUKOR (UIAM)
2. ANUGERAH PEMIMPIN KOLEJ KEDIAMAN - MOHD ASWAN MOHD AMIN (UniSZA)
3. ANUGERAH PEMIMPIN FAKULTI/PERSATUAN/KELAB - AMIR FIRDAUS EDDY ROSYADIE (UM)
4. ANUGERAH PEMIMPIN BADAN BERUNIFORM - NUR NAJJAH ABD MANAS (USM)
5. ANUGERAH PEMIMPIN PROGRAM KEUSAHAWANAN - MUHAMMAD ZIYAD MOHD YAZID (UniSZA)
6. ANUGERAH PEMIMPIN PROGRAM KEBUDAYAAN - JERRY YACOB (USM)
7. ANUGERAH PEMIMPIN PROGRAM SAINS, TEKNOLOGI DAN INOVASI - MUHAMMAD NURFIQRI MOHD HAJAR (UniMAP)
8. ANUGERAH PEMIMPIN PROGRAM SUKAN - MUHAMMAD SYAFIK RAHMAT (UTM)
9. ANUGERAH PEMIMPIN PROGRAM PENGUCAPAN AWAM - NUR ADIBAH AHMAD ZAMRI (UPSI)
10. ANUGERAH PEMIMPIN PROGRAM WACANA INTELEK - ABDUL KADIR SHAH SAHIBUDEEN (UM)
11. ANUGERAH PEMIMPIN PELAJAR ANTARABANGSA - ADITYA HUTAMA ISWARDI (UPM)
12. ANUGERAH PEMIMPIN SUKARELAWAN (KESEJAHTERAAN KOMUNITI) - MOHD HAFFIS TEH (UKM)
13. ANUGERAH PEMIMPIN SUKARELAWAN (ALAM SEKITAR) - TAN CHUN TAT (UKM)
14. ANUGERAH PEMIMPIN SUKARELAWAN (TERBUKA) - MUHAMMAD IRSYAD ZAINI (UM)

15. ANUGERAH PASUKAN SUKARELAWAN TERBAIK - UMISSION CLUB (KETUA PASUKAN SITI KHADIJAH KHOSIM) (UIAM)

**Dikeluarkan Oleh :**

**Aininulniza Mohd Yusof ([aininulniza@unimap.edu.my](mailto:aininulniza@unimap.edu.my))**

Pegawai Perhubungan Media UniMAP